

謂玄奧難可尋詳上天所寶祕於玄都紫微
上宮依玄科四萬劫一傳若有至人齋金寶
質心依舊格告盟十天然後而付焉

傳付授受之條上天之科立四萬劫乃舊
劫之格

十天東方九炁青天南方三炁丹天西方
七炁素天北方五炁玄天東北東南西南
西北四炁炁天上方一炁昊天下方一十
二炁皇天告盟十天大券朱書面乎十天
而分之

元始无量度人上品經法卷之三

秋三

十八

元始无量度人上品經法卷之四 秋四

太上三五都功職錄弟子陳椿榮集註

普度章

道言夫天地運度亦有否終

運是劫運度是度數

成玄英註否終者否是陽九百六終謂三
界消亡陽九百六者按周易大衍十九年
為一章四章為一部二十部為一統三統
為一元一元四千六百二十年其中通有
五十四年水旱陽九者陽數奇極於九災
應之時大則九年之旱也其次則七年五
年三年一年之火也陰數偶極於八災應
之時則八年六年四年二年之水百六初
入元一百六十年陽數奇有小旱之災故
云百六之災通論陽九百六之會者初入
元三百年為小陽九小百六九百年為大
陽九六百六十大則大旱九年大水八年也
漢書云四千六百一十七年為一元數盡
三元為大劫之終天地消亡也三元合一
萬三千八百五十一年初八元一百六十

年為一小災故云百六否終之義畧舉如
前也

日月五星亦有虧盈至聖神人亦有休否末
學之夫亦有疾傷凡有此災同炁皆當齋心
修齋六時行香十遍轉經福德立降消諸不
祥无量之文普度无窮

玄師曰六時者半夜平旦食時日中晡時
黃昏六陽時也

陰鍊章

道言夫末學道淺或仙品未充運應滅度身

經太陰臨過之時同學至人為其行香誦經
十過以度尸形如法

依五鍊生尸之法以度尸形其鍊度尸形
之法出靈寶五鍊生尸經九鍊生化章

寬神運上南宮隨其學功計日而得更生轉

輪不滅便得神仙

保鎮章

道言夫天地運終亦當修齋

修靈寶金籙齋

行香誦經星宿錯度日月失昏亦當修齋

修天皇九曜齋

行香誦經四時失度陰陽不調亦當修齋

修五帝育物齋

行香誦經

請雨祈晴修洞淵五神齋

國主有災兵革四興亦當修齋

修太一聖真齋

行香誦經疫毒流行兆民死傷亦當修齋

修長生保命齋

行香誦經師友命過亦當修齋

修靈寶黃籙齋

行香誦經

玄師曰所立齋法世並有科此六條正是

學士修誦大法功行之要道凡遇一切厄

會當修齋行香誦經必獲真人之位所謂

得為金闕臣也詳見大法

夫齋戒誦經功德甚重上消天災保鎮

帝王下攘毒害以度兆民生死受賴其福難

勝故曰无量普度天人

當默運慈心普及一切悉為獲厄解難以

陰修善功也

至言章

道言凡有是經能為天地帝主兆民行是功

德有災之日發心修齋燒香誦經十過皆諸

天記名萬神侍衛

修齋誦者獲三品善果

右別至人剋得為聖君金闕之臣諸天記人

功過毫分无失天中魔王亦保舉爾身得道

者乃當洞明至言也

誦此經當周十遍體元始說經周迴之意

未通經中深義不得懈怠退志功成之後

心府虛靜塵穢不侵自然通達真旨

自道言此二章至洞明至言也太上玉晨

大道君後序

大洞章

諸天中大梵隱語无量音

此是題目也 嚴東曰隱者有四一隱名

二隱諱三隱事四隱語也

李少微曰按內音經云元始天尊於赤明

世界栢陵舍座是時雲霧鬱勃三日三夜

玄陰不解五老上白天尊曰今日侍座所

未曾見天尊演教則河海靜默山嶽藏煙

今日晝陰天人惶懼不審何故天尊告曰

今日諸天發瑞靈應自然玉宇煥爛障蔽

天光咸令四座瞑目伏聽俄頃天悉頓啓

冥暗消豁五色光明洞照十方忽有靈書

字方一丈於空玄之上文彩爛煥八角垂

芒精光亂目不可得看天尊普告曰此靈

書八會字无正形其趣宛奧難可尋詳可

注筆解之於是天真皇人受天尊明命注

解其音分其分度三十二天天各八字並

飛玄自然之書合五方飛玄之炁以和八

字之音名曰大梵隱語无量洞章

道君撰

太上玉晨大道君為靈寶教主撰此靈書

中篇三十二天王字成經為雲篆光明章

元始靈書中篇

此道君自標於題目之下

此正文大梵隱語之音

大法中篇是三十二天大梵玉宇內音无

量隱語之旨乃元始祖炁靈書中禁之篇
玉宸道君所撰天真皇人所書也內隱大
洞祕諱五劫開圖之旨凡二百五十六言
分置三十二天天各八字內按乾坤坎艮
震巽離兌八卦支變八八六十四卦一句
按一卦也通貫六十甲子乾坤坎離四卦
出於六甲之表不在甲子之限
李少微曰今所註者一依天真皇人內音
訓釋或刪繁取要或加字益明回互經文
不依輪次者務使人速見其意也

東方九炁青天自然玉字

亶樓阿耆 丁三三

无怒觀音 寅文三三

李少微註此八字皇曾天內音也亶者坦
然廣遠貌樓者王京山下長樓亶遠廣遠
上承玄都之宮亦謂之樓都阿者玄都宮
阿那之神名主大梵之炁阿那嗚樓都之
鼓以集衆真上朝元始蒼蒼者帝君遊臺之
名蒼蔚華秀无者太无也言太无之中自
然生真也怒者日月門戶之名觀者觀覺
天中帝君之諱音者八字之音人能誦八

字之音則真人乘金輪以開冥玉女揚華
播以披鈕觀覺主長夜之錄四冥拔九幽
之府七祖披朗朽骸還生也

須延明首 卯三三

法攬善曇 庚辰三三

此八字玉完天內音也須延者玉完天西
北闕名也大劫數交須延開而玉真上聖
於是而回明首者元始之都候也元始開
運則都候啓道梵炁自朗法者法輪罪福
之場攬者攬覺天中帝君之諱善者善提
曇者曇願並上元真人也人能誦此洞章
則法輪引籍於司命攬覺度魂於更生善
提執九色之麾以輪運曇願旋十絕之播
以停椿天地得之則不傾萬物得之以長
存

稼那阿奕 巳辛三三

忽訶流吟 壬午中三三

此八字何童天內音也稼那者天中正圖
先生之號領人生死圖錄總主神仙治金
華宮金華宮與龍山連宇焯焯玉清之上
蔚勃洞虛之中阿奕者七寶林中樹名也
實上聖之遊圃真人之戲園忽者覺也飛

天神王之諱訶者訶摩天中呼元始天尊
為訶摩劫運終則訶摩開化教法普度天
人將來劫壞真經隱藏天尊已知預為流
布歌吟也人能誦此洞章正圖先生則削
罪錄於長夜注生名於南宮也

華都曲麗 庚辰三三

鮮善育臻 卯申三三

此八字平育天內音也華都者天中太極
宮青華門之別名曲者天中有梵天神人
飛行太極之上爽靈風之炁歌洞章之曲
麗者太和玉女之名鮮者鮮雲即慶雲也
善者天中善樓也育者天中帝君之隱名
臻者至也育帝常乘八景之輪遊觀八極
至於鬼神之家回十絕之播以召魔舉仙
人能誦此洞章飛天遙唱三界司迎七祖
出夜上昇南宮也

答落大梵 乙三三

散煙慶雲 丙戌三三

此八字文舉天內音也答者天中玉闕名
也落者官闕落落然也大者大宥天尊開
運之初皆放大赦謂之大宥使三惡道空
九幽罷對梵者梵炁能開龍漢之劫散煙

者真人散香於玉闕慶雲者五色備也慶雲接乎紫館飛天舞乎空輪也

飛灑玉都

明魔上門

此八字魔夷天內音也飛者飛天神人之名也天地改運淪於延康冥冥無開飛天

啓光於是散輝諸天受炁也灑者龍漢一會倏歛而回也王者玉真魔夷天帝之諱主開度幽難都者九幽之鄴都也人有善功則玉真開長夜之戶鄴都度八難之場明者解八字之義也魔者魔王也上者上帝也門者門下也人能明解八字之義則魔王敬伏上帝育養於始生之神門門下韓君司錄度算於南宮慶流九族生死蒙恩也

无行上首 回蹠流玄

此八字越衡天內音也无者上道也言元始之炁開明无上之道行者天元之綱紀維羅八極梵炁彌布流行不息也上首者北斗之罪官也回者轉也蹠者履也劫運之初元始則履空而輪轉布化十方流者

流晨之光照長夜之府玄者空也越衡天上玄都之景有空峯之山萬聖之所遊生死之所歸道未備足身應滅度寬升空峯受鍊而更生也

阿陀龍羅 四象吁員

此八字濛翳天內音也阿者天中有九折之山連阿栢屬陀者山上之樓上通玉清之炁帝君常乘三素之雲上遊阿丘之嶺下監萬生之罪龍者龍山與阿陀相去九億萬里羅者日月之名玉緯曰上清九天真人呼曰為濯耀羅言山勢相交日月明於峯山四者四極之宮東華南極西靈北真也四極真人主生死命籍象者象輪之車真人常乘象轝遊行三界校人生死罪錄開度學道之人吁者吁育天帝之諱為南宮度命君主鍊度朽骸員者日中生童主灌津於天人人能誦此洞章則玉名入帝簿生死度南宮四極給自然之羽車七祖歡於福堂也

誦畢叩齒九通即臨自存九靈妙炁青玉

之光從東方无極玄虛中來良久微誦玉晨君祝

東方八天元量音玉晨君祝曰

森廓連華闕神尊帝一真靈虛交日月玄覺照冥津玉關回運數梵炁啓都明

度播揚洞唱天君秉化輪金華領仙籙鬱帶龍山宮寶秀煥珍景宴戲高上墉霏煙散妙霽陶精養我形飛天觀劫會贊詠元始文太極建青籥晨輝布發生奕耀應穹觀照怡存玉嬰皇育旋景與


昇度七祖寬彌範流飛網周維天地根祥霞翳霄仰紫館真人君軒奕青玄府滅試摧邪兇道應混高元神結泥九精靈丘三素雲羅耀交琳峯七九齊至用三五合同功併協冲和德變鍊超仙宗祝畢存前九靈妙炁青雲九重覆巾身形

赤明開圓八炁回真總統元關青帝大神流化九外纏綿我身靈音八書六十四篇洞明天地與我合仙運致龍駕上昇帝轅


呪畢引前九靈妙炁九炁混合五臟如瑠璃映照之色行之九年致青芽九炁之精身生光明徹見虛無萬遍道成即得飛行七祖同福皆昇南宮

南方三炁丹天自然玉字

南燭洞浮



玉眸詵詵




此八字和陽天內音也南燭者南方有流火之庭飛焰煥乎八方洞浮者洞陽宮炁炎而浮流也玉眸者流火之膏鍊身體則生玉光明如眸子故曰玉眸諸學人始得道者皆詣流火之庭南極真人以火膏洗鍊蕩除塵垢得與真人為侶詵詵然衆多梵形落空已癸九靈推前甲午此八字恭華天內音也梵形者元始天尊在龍漢時號也至赤明世號无名君上皇開運號元始丈人梵炁化形隨劫化生以一神而見不受胎生故曰梵形落空者元始自空中而生也九靈者九華真人也理於南上宮中主九幽之下宿對死寬推前者九華真人主命錄推算死寬前生功德

有善功者四斗真人書延生之符而授與之則得拔度九幽也

澤洛善量



綠羅大千




此八字宗飄天內音也澤者天中山窟也其山上有衆龍之窟山有黃房之室一名玉容之堂也洛者王晨道君之內名也理於黃房之內混大劫而不終經龍漢而更明故幽中而悅焉善者飛天真人之隱號有無數之衆臺者玉臺也處於澤山之陽綠羅者月中夫人字羅英容色如玉著綠帔青衣故曰綠羅上乘大羅之天梵行之炁運度之關以應天地之數終於大劫既受交於日月則會於玉臺之上也大千者世界之數陸先生云以千數至千即千千為小千小千數至千為中千中千數至千為大千千中之大故曰大千人能誦詠洞章則得駕羽輪之車昇黃房之室遊玉臺之上覽大千之境也

眇莽九醜



韶誥綠蓮



此八字皇笏天內音也眇者天書玉字淪

於延康之中翳而不彰眇眇然也莽者龍漢開運其文復明莽莽然也遇其道男女並皆壽三萬六千歲其運之極又經一劫九炁各生一獸以害惡民其劫既開而九獸號為九醜之鬼北帝上真主生死圖錄故立九醜以輔三官數極九九八十一萬

度天炁之交九醜當得輔號為九都使者韶者皇笏天神霄王之內名神霄王是魔王之神主常試學道之人正與不正魔王作誥歌以亂人心心固者王即保舉徑昇皇笏天中綠蓮者南北二斗君之內諱也人有善功列言於南斗南斗即度三界之難拔九幽之苦告下魔王不敢敗害也人行惡則三官列罪於北斗北斗即告下魔王滅寇付九幽之下充長夜之役皇笏天上有金華之山學成得道皆詣金華山受太一之信以制滅魔試然後得乘景輪之車遊宴八方九炁者按三天正法經始炁生三炁一曰赤洞二曰白章三曰青浩元炁生三炁一曰綠曷二曰黃景三曰蒼混

又曰白道玄炁生三炁一曰紫融二曰碧
炎三曰黑演謂之九炁也

雲上九都記☵☵ 飛生自纂未文☵☵

此八字堂曜天內音也雲上飛天神王之
諱開龍漢之劫啓赤明之運敷自然之書

立天地之根也九都者三象既分而有九
層之臺處乎玉京之山煥乎空玄之上飛

天神人常散百合之香流五雲之華以觀
飛天真人臺上有太真玉郎一日三四十

絕之墟則諸天上帝三朝玄臺誦詠洞章
也飛生南上更生之神名也學士能誦洞

章諸天稱慶飛生為開不死之路流長生
之炁下鍊五莧則八景存焉自從也壽者

壽林也既共舉人上昇九層玄臺遊於鸞
林之下身佩天書口誦洞章即得上朝玄

都之宮也

那育郁馥☵☵ 摩羅法輪旺中文☵☵

此八字端靖天內音也那者天王侍郎之
內名也主天四時之炁梵行虛无之綱以

正端靖天中分度也育者天關空輪之名

郁馥斗中靈童之名常運育輪於太无之
中四十轉以召真天關十轉則十方大聖
上朝玉帝萬神齊到而郁馥唱禮焉摩羅
者天中大魔之內諱郁馥一唱魔王束形
學者知四時之炁十轉之關則入法輪之
門乘八景之輿昇唱玉清之中上朝紫微
之臺也

靈持无鏡卯☵☵ 攬姿運容辰☵☵

此八字恭慶天內音也靈者天中都監神
之內名也持者龍淵之名眾龍蟠乎其中

銜金甕而運東井之華以灌天真華者日
中黃華之精沃注東井之流津无窮之源

也无鏡者飛天神王諱也遊手大羅之上
出无色之光度學道之人攬姿者三界之

門名人之此號神王則開長夜之府拔九
幽之魂以度三界之門也運容者玄和玉

女之名人得度三界之門運容則以朱靈
之炁導之于形太和之津灌之于神上昇

福德之堂保劫運之無窮矣

觀朗廓奕巳☵☵ 神纓自宮丙☵☵

此八字極瑤天內音也觀朗者天中玉京
玄臺之別號西靈真人常誦洞章以遊其
上廓奕天中神公之內名與元始同生為
玄炁之範教學仙之人神纓紫微宮靈童
也主滅度之尸若得神纓歌无量之章則
反形於三鍊之房受自然之炁歡无窮之

晨君祝

南方八天无量音玉晨君祝曰
和陽煥明奕奕暉玉鍊顏虛梵隱玄邈

空朗昭神功九華破幽錄四極延生津
黃房晨景居綿綿保長存窈窕騰月妃

萬界超劫輪巳混洞翳玉書龍漢明耀晶
神文攝六天察制妖魔羣邪試莫我干

列名標上清超度五苦難道遜玄切峯
飛神開大運明觀九雲重南上鍊我莧

旋蓋遊鸞林汎露纏虛綱十轉回天關

大魔咸來賓八景朝紫微龍淵注東井
黃華養我真大羅无色光寂度无窮人
朱靈協至炁太和昇福堂玄臺映鬱蕭
誦洞遵西靈神公布玄範反嬰齊自然
祝畢存前三靈妙炁絳雲三重覆巾身形

朱雀鳳凰翔前後密呪曰

三炁徘徊靈鳳來飛玉音八字爛煥紫微
吉日大慶我道洞開朱丹哺飴仰吸靈輝
身生水火絳帔羽衣登空飛步足踐鳳梯
周旋八天七祖相隨

呪畢引前三靈妙炁三燻混合五臟如日
輝映照之色行之三年致朱丹三炁之精
反白改容萬劫不傾七祖超昇上生福堂
反胎仙家即得更生

西方七炁素天自然玉字

刀利禪猷

婆泥咎通

此八字孔昇天内音也刀利者南方无極
世界之號禪是刀利之國亦曰禪黎其國
有洞陽宮流火庭靈文始於流火受鍊瑩
飾光明之後刀利之國改為福德之堂苦

寬得度入洞陽之宮猷者南上好生君之
名婆泥則火鍊池之靈童也咎通是刀利
世界魔神也常過人生路若人知好生君
名得度洞陽之宮及詣火池受鍊即更生
福德之國則魔神奉焉人能誦八字之音

則刀利世界无極靈官侍衛其身徑詣南
宮仙人司迎上昇三炁之天也

宛數滌色

太眇之堂

此八字皇崖天内音也宛數者皇崖天帝
内名也主開度太漠之經以明八字之文
明道既彰大羅之上蔚然澄清也滌色者
色界上飛天真人名也乘景雲之車駕九
色之龍遊色界之上出入玉清之中蕩除
穢炁開度善根之人太眇之堂者化生堂
也空洞之化結自然之章坦然廣大開度

萬生之曆也學人通八字之音則飛天真

人降景雲之車載兆上昇化生之堂也

流羅梵萌

景蔚蕭嶋

此八字極風天内音也流者極風天帝諱
也處乎紫霄之上遊觀王京之山羅者月

女之諱主王遊宴之儀流輝極風之天洞
照九玄之真也梵者飛天真人名也主回
九天之闡萌者元始天神也固極風之根
景者景皇四極上真人也蔚者蔚秀景霄
仙人也並理玉京臺歷校長夜之中開度

善根之寬蕭者蕭仞白素元君之宮也嶋
者蕭仞之嶋對賓之所也人能常誦洞章
乃得駕九色之霄上昇景皇之臺矣

易逸无寂

宛首少都

此八字孝芒天内音也易逸者始皇孝芒
天中天王之諱无者虚无寂者寂寂是虛
无寂寂之庭也言此天王從龍漢而來至
赤明而出居乎虚无之内處乎寂寂之庭
也宛首太上道君之内號駕八景玉輿策
三素飛雲開元始玄奧演大法以度人少

都者日中靈童名也散日精以灌真流飛

華以拂塵學人知八字之音則天王飛景

雲之輿降三素之輶度身三界之上進入

寂寂之庭也

阿濫郁竺

華漢延由

此八字翁重天內音也阿濫者翁重天帝諱也秉景霄之輪遊九層之臺處玉樓之上唱洞章以伏魔王都者郁然天中魔王隱名也望者欲也是魔王都伯恒在欲界之上誦空謠之歌華者言色界光華也漢者欲界沙漠不可尋也延者東鬼之庭由者禁鬼之防天王詠无量之章則天魔應響而東首羣鬼請由而伏形奉之者九祖開泰修之者灰骸更生也

九開自辯 丁三三 阿那品首 壬戌 丁三三

此八字江由天內音也九開者大演之初天地未判輪轉三炁開為九分九度既明九位乃列陰陽萬品於是而生自然明辯也阿者阿丘江由天帝諱也秉九色之龍駕三素之辮上登龍山之嶺遊觀九玄之中那者那邪飛天神人之隱名也飛行三界歷校長夜之中拔度善人之竟有知八字之音則天王品度死身入飛天之眾首化枯骨成童子之顏矣

无量扶蓋 起三三 浮羅合神 庚子 丁三三

此八字阮樂天內音也无量者天中无量大聖之始神也總統飛天神人受其品量而得昇遷扶者更生真人之內名校長夜之錄簡善惡之根蓋者玄中福堂之號也浮者幽夜之竟受真人開度謂之浮也乘

運而歸上昇福堂也羅者大羅也開大千世界召更生之賓詣大羅之天削死三官合者合慶也神者神公也是大羅丞相人能知八字之音與神公合慶受度為更生之賓故曰合神

玉誕長桑 辛三三 栢空度仙 壬戌 丁三三

此八字曇誓天內音也玉誕者曇誓天王都名也長桑者天中齋林亦名桑林覆蔭東華之宮兼上有大洞之章紫書玉字煥手上清下有扶桑之樹上森齋林之葉碧鷄鳴其蓋青霞翠其峯神風流反香之草鼓桑林百籟之音神風一鼓洞章成音故曰栢空也度仙者飛天神人也常以鷄鳴之始登玉臺之上來取五方雲華仰咽三辰之光簡學仙之人生死錄籍開度九幽

之竟昇入法輪之門也

誦畢叩齒七通即臨自存七靈妙炁白華之輝從西方无極玄虛中來良久微誦玉晨君祝

西方八天无量青玉晨君祝曰

洞陽映霄闕受度好生君靈童火鍊攻福館涉生津太漢明道彰真人翔景雲高清布元化蕩穢除妖氛接我琅碧與昇入微妙門揚輝治極家洞耀九玄真造化回幽關杳眇回靈根景皇連鬱秀

檢校超仙竟蕭切白元子同攜列帝賓始皇天中王寂寂虛无庭玉晨張大範流慶滌我塵穹樓演洞唱收魔束鬼形三元分化祖九度悉宣陳阿丘馳素辮那邪契所緣彌羅大聖神更生陞福筵逸化乘運歸削死永合歡瓊府魏義境森扶靄華霧雲牙揖三暉享此億遐年祝畢存前七靈妙炁白雲七重映覆身形白虎獅子導引左右密呪曰
七炁金靈八天尊神白虎策輦獅子捧棘

七炁纏綿鍊我成仙身發金光映照素雲
內外變化昇入洞門七祖出夜九幽放寬
三徒五苦長斬惡根同歡福會受慶自然
億劫閑度隨運長存

呪畢引前七靈妙炁七噓混合五臟如月
晶映照之色行之七年致太素七炁之精
停年留世萬劫童顏慶及七祖昇度南宮
反胎更生世世生仙

北方五炁玄天自然玉字
獲无自育 亥癸 九日導乾 亥文

此八字霄度天內音也獲无是龍漢時飛
天之神也元始始開之炁溟滓无色之中
獲无乘運而出凝然而立霄度既立自抗
不終之劫育者霄度天王之內名九者育
王乘象輪之車遊九玄之門轉九機之度
應劫會之期日者天中日童導者導引和
炁天運之終日童停光拔度學者灌以水
母之精導以太和之炁洗鍊五神進入朱
宮故曰導乾

坤母東覆 坤 形攝上玄 甲戌文

此八字元洞天內音也坤母者太陰之都
候九靈之母也理東海扶桑湯谷之淵常
總地機轉輪元炁上應天關天關轉地軸
動周天一度水則湧三千三百度天地炁
交九海冥一水則彌天東者東海受會制
期河源也覆者水神也理於崑崙之山填
固巨海遏斷東井則地機不倫保劫長存
形攝者災交之時坤母形出東河之上攝
召鳥母以鳳車迎學仙之人上崑崙之墟
鳥母乃水之候神也上者坤母上詣帝君
申劫會之期度學仙之人言名於玄都之
宮也

陀羅育邈 丑乙 眇炁合雲 丙 四指 中文

此八字妙成天內音也陀者天帝之內名
與妙成俱生在雲阿之嶺羅是月始生之
名陀在雲嶺之上抱月而明育者妙成天
神王名育生總統十方飛天之神邈者天
中羽林監神名神王常使臣御三界簡人
生死之籍令魔王保度得道之人眇者眇
眇高遠也人得保度詣羽林受符而昇天

眇眇行於雲宮也炁者雲炁也合者合景
也既入羽林結雲炁以成衣飛昇朱宮受
福天堂遂與諸天合景而上飛也

飛天大醜 卯丁 總監上天 辰戌 子文

此八字禁上天內音也飛天者飛天神王
也天上有飛玄之炁結成空洞之經十方
神王在空霄之上誦此經以和自然之炁
接引學道之人大者三界之都錄主生死
圖錄醜者伯也是三界之魔王受事於大
醜學士識其音則魔王保真身騰三清也
總是飛天都統之官常攝八會之炁以促
天地之運監領長夜之官開度九幽之寬
學士知天中之音則天魔列言大醜勸籍
仙部而上昇天中也

沙陀劫量 巳 龍漢瑛鮮 庚 丑文

此八字常融天內音也沙者天中有沙蘭
之宮是紫微之別館處乎玉清之上煥乎
紫虛之中陀者陀丘也陀丘之衆有巨萬
人皆是新得道受度者也功德未備停散
其中劫量者每至劫運一交陀丘之衆計

功之量得昇朱陵之宮受福而仙也龍漢者初劫之名是時大道淳朴徒有其化難可為雜也瑛者龍漢時飛天神名也常開度九幽之竟昇蘭宮之中鮮者南宮之童學人得度而鮮童鍊其形容於朱陵之上

碧落浮黎

空歌保珍

此八字玉隆天內音也玉隆天中常生碧霞之炁落者飛天神王名也乘碧霞之輦遊玉隆之天一日三時引天中衆聖上朝七寶之宮浮黎者天王內名也衆聖上朝而天王稱慶也空者天中侍晨之名歌者洞章之曲侍晨一嘯靈風既奏音成洞章故曰空歌保珍者學人知八字之音則昇上南宮為飛天之賓保此不終之劫珍其自然之文故曰保珍

惡奕无品

洞妙自真

此八字梵度天內音也惡奕者天王之內名昔於龍漢之中諸緣並盡而過度三界之庭昇入太虛之館受九仙之籙登大聖之號亦明開運元始錫為梵度天王无者

太无真人也受天王之符度長夜之竟品量幽竟之罪福洞明宿對也宿對既解乃入妙化之堂自者與也真者天真也太无真人度九幽之竟洞識宿命惡緣並盡度入妙化之堂與飛天而合真也

元梵恢漠

幽寂度人

此八字賈奕天內音也元梵者元始大梵風澤之炁抗舉澄漠之精高而洞浮懸而不落也恢漠者遠而无礙有而若无微而不可名妙而不可尋也幽兮寂兮不可見聞其中有真其中有精冥度天人也誦畢叩齒五通即臨目存五靈妙炁紫晶之霞從北方无極玄虛中來良久微誦玉晨君祝

北方八天无量音王晨君祝曰

開化无上神霄度凝玄炁陽華真一精太和育妙慧九靈鎮西崑機化停樞會鳳車升羽輪越此大劫津雲阿擁圓皓育生天神君受符羽林宮藹秀靈露襟空霄飛玄章接舉身超騰天統攝八耀

開濟九幽竟蘭宮連紫微按格昇朱陵南宮有妙童琅輝鍊我形蒼霞浮綠輦稱慶拱高尊靈風泛洞響可實无窮齡九仙頌運錄釋散宿業根流網抗虛梵廓達歸无名大混百骸紀徊煙合紫雲

慶垂七葉

齊轡逍遙

齊轡逍遙宿倏忽登龍臺稽首王帝前祝畢存前五靈妙炁玄雲五重覆布身形飛龜羽蓋翁鬱前夜密呪曰

玄天徘徊流景上清大有啓運八字開明

飛玄澄空洞陰自生五炁纏綿灌我身形冠帶北單受鍊洞靈腎府仙化內外光精飛行三界遊宴紫庭七祖同慶歡樂劫齡七寶林中反胎更生長夜出離南宮記名黃籙白簡世世生仙

呪畢引前五靈妙炁五熉混合五臟如紫晶映照之色行之五年致靈芝五炁之精還年留景保命三清慶及七祖世世生仙元始无量度人上品經法卷之四